

# BULETIN **unisel** UNIVERSITI SELANGOR

*Peneraju Transformasi*

**UNISEL,  
UNIVERSITI  
MESRA OKU**

**GOTONG-  
ROYONG  
PERDANA  
UNISEL 2018**



**JUN 2018 CATAT  
REKOD KEMASUKAN  
PELAJAR BAHARU  
PALING TINGGI**

**MEMARTABATKAN  
KARYA PELAJAR DI  
FESTIVAL CINEMINI**

**MENGAPA ATLET  
PILIH UNISEL?**

**HASIL  
CIPTAAN  
PENSYARAH  
UNISEL  
SUMBANG  
PINGAT DI  
ITEX 2018**

# DARI MEJA editor



*Bismillahirahmanirahim,*

Sebagai pembuka kata, saya ingin memanjatkan kesyukuran ke hadrat Ilahi kerana dengan limpah dan kurnianya, Buletin UNISEL edisi kali ini telah dipermudahkan penghasilan dan penerbitannya. Pada kesempatan ini, saya ingin mengucapkan jutaan terima kasih kepada semua yang terlibat terutama sekali kepada pihak fakulti dan jabatan yang sentiasa memberi sokongan kepada Pejabat Komunikasi Korporat terutama sekali dari segi pengajuran program-program universiti.

Sidang pembaca sekalian,

Universiti Selangor (UNISEL) kini semakin gah menongkah arus pendidikan di Malaysia. Pelbagai kejayaan yang telah yang telah ditempa baik dari segi penyelidikan akademik mahupun pengajuran program-program berimpak tinggi. Sekalung tahniah saya ucapkan kepada seluruh warga UNISEL diatas pencapaian kemasukan pelajar baharu pada bulan Jun 2018 apabila berjaya mencatat jumlah pelajar baharu paling tinggi dalam sejarah UNISEL. Ini membuktikan bahawa transformasi besar yang dilakukan oleh Presiden dan Naib Canselor UNISEL, Prof. Dato' Dr. Mohammad Redzuan Othman berjaya menjadikan universiti ini bergerak seiring dengan institusi pengajian tinggi yang lain.

Dalam pada itu saya juga ingin mengucapkan setinggi-tinggi penghargaan dan terima kasih kepada semua pihak yang terlibat pada pengajuran Majlis Bebuka Puasa UNISEL bersama Pegawai Komunikasi Korporat dan Media yang berlangsung pada 1 Jun 2018. Majlis yang diadakan atas kerjasama UNISEL dan Pejabat Setiausaha Kerajaan Negeri Selangor ini telah menyatukan Pegawai Komunikasi Korporat di seluruh Selangor dan pengamal media. Terima kasih diucapkan kepada para pegawai komunikasi korporat dan pengamal media yang sudi meluangkan masa hadir pada majlis tersebut.

Sebelum mengahiri coretan ini, saya ingin mrngucapkan selamat datang kepada pelajar-pelajar baharu yang telah mendaftar pada Hari Pendaftaran Pelajar Baharu Prasiswa dan Pascasiswa Semester Jun 2018. Penerimaan masyarakat khususnya ibu bapa cukup untuk membuktikan UNISEL menjadi pilihan utama mereka. Setinggi-tinggi tahniah saya ucapkan buat semua pihak.

Akhir kata dari saya, terima kasih sekali lagi kepada semua warga UNISEL yang bertungkus lumus dalam memastikan buletin edisi pada kali ini berjaya diterbitkan. Semoga UNISEL akan terus maju kehadapan dan terus bersaing dengan universiti-universiti seangkatan dengannya.

Sekian.

**HASRIL ABU HASSAN**  
Pengarah Komunikasi Korporat

## sidang editorial

1

Buletin UNISEL mengalu-alukan sebarang penulisan rencana, cadangan atau komentar yang membina. Sebarang pertanyaan hendaklah dialamatkan kepada:

Pejabat Komunikasi Korporat  
Tingkat 5, Bangunan Satelit  
Jalan Zirkon A7/A, Seksyen 7  
40000 Shah Alam  
SELANGOR.

Tel : +603-55223420  
Email : corporate@unisel.edu.my  
Website : www.unisel.edu.my



Universiti Selangor

### PENAUNG:

Prof Dato' Dr. Mohammad Redzuan Othman  
(Presiden & Naib Canselor)

### KETUA EDITOR:

Hasril Abu Hassan  
(Pengarah Komunikasi Korporat)

### EDITOR:

Nik Nabilah Nik Aziman  
(Pegawai Komunikasi Korporat)

### WARTAWAN:

Nor Illiana Fasihah Zahari  
(Pegawai Berita)

### FOTOGRAFI:

Abdullah Mahsen (Jurugambar)  
Media Selangor

### PEMBANTU EDITORIAL:

- Hasni Mohd Noor
- Rafikah Saini

# KANDUNGAN

- 
- 2 Dari Meja Editor
  - 3 Isi Kandungan
  - 4 Majlis Berbuka Puasa UNISEL Satukan Pegawai Komunikasi Korporat dan Media
  - 5 Jun 2018 Catat Rekod Kemasukan Pelajar Baharu Paling Tinggi
  - 6 UNISEL, Universiti Mesra OKU
  - 7 Mengapa Atlet Pilih UNISEL?
  - 8 Lebih 1000 Pelajar Baharu Sertai Majlis Bacaan Ikrar
  - 9 'Road To Industry' Perkenal Dunia Automotif Kepada Pelajar
  - 10 Iftar Perdana UNISEL-MBI Rai Mahasiswa UNISEL
  - 11 Iftar Jamaie UNISEL 2018 Meriah
  - 12 MOU UNISEL-IDE Perkasa Penyelidikan Di Negeri Selangor
  - 13 Memertabatkan Karya Pelajar Di Festival Cinemini 2018
  - 14 Hasil Ciptaan Pensyarah UNISEL Sumbang Pingat Di ITEX 2018
  - 14 UNISEL Accounting Week Dedah Dunia Luar Kepada Pelajar
  - 15 Malaysia Baharu, UNISEL Baharu
- 



13



14



12

# Majlis Berbuka Puasa UNISEL

## Satukan Pegawai Komunikasi Korporat dan Media



Universiti Selangor (UNISEL) dengan kerjasama Pejabat Setiausaha Kerajaan Negeri Selangor telah menganjurkan Majlis Ramah Mesra dan Berbuka Puasa Pegawai Komunikasi Korporat Selangor bersama Media di Plenary Hall, Pusat Konvensyen Shah Alam (SACC).

Acara bermula dengan forum bertajuk "Kenapa Media dan Perhubungan Awam Saling Melengkapi" yang menampilkan Tuan Haji Ami Nardin Hj Ishak, Ketua Komunikasi Korporat Worldwide Holdings Berhad dan Pn Lailatun Khalilah Nasir, Editor Bisnes Sinar Harian selaku panel jemputan.

Pelbagai isu dan perkongsian telah dirungkai mengenai kepentingan komunikasi korporat dan media dalam sesebuah organisasi. Dalam pada masa yang sama, para panel turut berkongsi

pengalaman industri masing-masing dan tips yang diharap dapat memberi panduan kepada pegawai komunikasi korporat serta pengamal media yang baru.

Majlis diteruskan lagi dengan ucapan dan penyerahan cek yang disempurnakan oleh Yang Berhormat Prof. Dr. Shaharuddin Badaruddin, Pengerusi Jawatankuasa Tetap Hal Ehwal Agama Islam, Pendidikan, Pembangunan Modal Insan, Sains, Teknologi dan Inovasi Selangor dimana beliau telah menyerahkan dua cek kepada pihak UNISEL.

Kedua-dua cek yang diserahkan kepada Prof. Dato' Dr. Mohammad Redzuan Othman, Presiden dan Naib Canselor UNISEL itu merupakan sumbangan pihak Kerajaan Negeri Selangor kepada pihak UNISEL yang mana peruntukan sebanyak RM3.3 juta disumbangkan untuk Skim

Dermasiswa dan RM2 juta disumbangkan kepada pembangunan program Smart Tahfiz Masjid UNISEL.

Prof. Dato' Dr. Mohammad Redzuan Othman dalam pada itu mengambil kesempatan tersebut mengucapkan setinggi-tinggi terima kasih kepada pegawai-pegawai komunikasi korporat seluruh Selangor serta pengamal media yang hadir memeriahkan majlis tersebut. Besar harapan beliau agar hubungan baik ini akan diteruskan dalam masa yang sama dapat memberikan gambaran sebenar mengenai keberadaan universiti bukan sahaja di mata pihak media malah seluruh masyarakat setempat.

Majlis turut dimeriahkan lagi dengan acara cabutan bertuah yang menawarkan hadiah utama berupa sebuah televisyen serta pelbagai barang elektrik dan kelengkapan rumah yang lain. Dalam pada itu, jutaan terima kasih juga diucapkan kepada Yang Berhormat Khalid Abdul Samad, Ahli Parlimen Shah Alam yang sudi hadir memeriahkan majlis. Turut hadir memeriahkan majlis adalah barisan eksekutif dan pengurusan tertinggi UNISEL.

# JUN 2018 CATAT REKOD KEMASUKAN PELAJAR BAHARU PALING TINGGI

Transformasi besar yang dilakukan oleh Presiden dan Naib Canselor Universiti Selangor (UNISEL), Prof. Dato' Dr. Mohammad Redzuan Othman jelas membuktikan universiti ini sudah mampu bergerak seiring dengan institusi pengajian tinggi lain.

Penerimaan masyarakat khususnya ibu bapa dan pelajar sendiri cukup untuk membuktikan UNISEL menjadi pilihan utama mereka. Ini susulan limpahan jumlah kemasukan pelajar baharu bagi sesi Jun 2018 yang mencecah hampir dua kali ganda berbanding pendaftaran pelajar pada sebelum ini.

Rata-rata ibu bapa yang ditemui pada hari tersebut mengakui UNISEL menjadi pilihan utama mereka disebabkan beberapa faktor seperti persekitaran yang hijau, kemudahan bilik kuliah yang mesra pelajar dan kemudahan asrama bertaraf

empat bintang.

Sejajar dengan tagline "Peneraju Transformasi" yang dibawa oleh Presiden dan Naib Canselor ketujuh itu jelas menunjukkan pembaharuan suasana kampus berjaya menarik bukan sahaja mereka dari negeri Selangor malah dari negeri-negeri lain termasuk Sabah dan Sarawak.

Kurang dari tiga tahun menerajui transformasi universiti, Prof. Dato' Dr. Mohammad Redzuan Othman mengetengahkan pelbagai idea yang telah direalisasikan dalam bentuk pembaharuan kemudahan dan fasiliti bagi memenuhi keselesaan pelajar khususnya.


Proses baik pulih fakulti termasuklah bilik kuliah dan auditorium dilakukan bagi memastikan proses pengajaran dan pembelajaran berlangsung dengan selesa. Pengindahan kampus seperti tasik dan

penanaman pokok-pokok dipergiatkan bagi memastikan suasana kampus terus subur menghijau.

Para pelajar baharu yang sempat ditemui semasa hari pendaftaran berlangsung memberi hujahan positif terhadap kemudahan yang disediakan. Ia bukan sahaja memenuhi kehendak pelajar malah mesra OKU. Dalam pada itu, mereka turut menzhirkan rasa kepuasan sekitar proses pendaftaran berjalan dengan penuh sistematik.

Program-program yang berkait rapat dengan komuniti juga diterapkan dalam kursus yang bakal diikuti oleh pelajar. Ini bagi memastikan UNISEL melahirkan lebih ramai pelajar yang mempunyai sahsiah diri yang tinggi serta yang boleh menjadi pemimpin negara kelak.





# UNISEL, UNIVERSITI MESRA OKU



Berikutan hari pendaftaran Pelajar Baharu Prasiswa dan Pascasiswa yang berlangsung di Kampus Bestari Jaya baru-baru ini, Universiti Selangor (UNISEL) dibanjiri dengan kehadiran pelajar baharu dari seluruh Malaysia. Tidak ketinggalan, kehadiran pelajar kelainan upaya turut mencuri tumpuan mereka yang hadir pada hari pendaftaran ini.

Abdul Matin merupakan salah seorang pelajar kelainan upaya. Bekas penuntut Smart Tahfiz UNISEL itu mendaftarkan diri bagi mengikuti kursus Perakaunan di Fakulti Perniagaan dan Perakaunan.

Menurut ibu Matin, Puan Siti Norasma Yahya, beliau amat berpuas dengan segala fasiliti serta kemudahan yang disediakan oleh pihak UNISEL yang amat mesra OKU. Melihat kepada segala kemudahan yang ada, beliau yakin untuk terus menempatkan anaknya di UNISEL.

“Matin sebelum ini sudah menuntut di UNISEL sejak mengikuti program Smart Tahfiz. Apabila saya melihat dia selesa

dengan persekitaran UNISEL semasa menuntut di Smart Tahfiz, menjadikan saya terus yakin untuk membenarkan Matin melanjutkan pengajian di UNISEL”, ujar beliau.

Selain itu, pendaftaran pada hari ini turut dihadiri oleh pasangan kembar seiras, Nurul Sahira Sulaiman dan Nurul Sahida Sulaiman. Dua pelajar dari Meru ini tidak menyangka kedatangan mereka pada Hari Terbuka UNISEL pada Mac lalu telah membuka satu ruang baharu dalam hidup mereka yang akhirnya memilih untuk melanjutkan pengajian di sini.

“UNISEL telah menjadi pilihan kami kerana suasana kampus ini amat tenang. Ini memberi kami peluang untuk lebih fokus kepada pengajian. Tambahan lagi, UNISEL juga menawarkan yuran yang amat berpatutan dan ini secara tidak langsung telah mengurangkan beban ibu dan ayah untuk menanggung pengajian kami dua beradik”



## MENGAPA ATLET PILIH UNISEL?

Pendaftaran Pelajar Baharu Prasiswazah dan Pascasiswazah baru-baru ini menjadi satu titik tolak baharu buat para atlet yang ingin melanjutkan pengajian di peringkat tertinggi.

Ini kerana Universiti Selangor (UNISEL) telah memperkenalkan "UNISEL Athlete Academic Track" pada pengambilan kali ini yang mana membuka ruang seluas-luasnya kepada para atlet untuk melanjutkan pengajian dengan fleksibiliti dari segi tempoh pengajian, kaedah pembelajaran dan penilaian kursus.

Menurut Puan Nurul Hanim Mohd Amin, Pengarah Pusat Sukan, "UNISEL Athlete Academic Track" ini bersifat "custom made" di mana ianya bersesuaian dengan kesibukan jadual latihan dan kejohanan atlet. Tambahan lagi, program ini dibangunkan atas kesedaran dan keprihatinan UNISEL terhadap masa

depan kerjaya atlet-atlet di Malaysia.

Dalam pada itu, dua atlet taekwondo Malaysia hadir mendaftarkan diri bagi kursus Diploma Pengurusan Sukan. Jagdeep Singh dan Siti Nurul Ainil, 18, masing-masing memilih UNISEL kerana jarak kampus dan kediaman mereka yang dekat. Ini memudahkan mereka untuk meneruskan latihan disamping dapat mengikuti kelas yang bakal bermula kelak.

"Kami bercita-cita untuk menjadi jurulatih taekwando. Jadi harapan kami, dengan melanjutkan pelajaran di UNISEL dapat menjadikan kami seorang atlet dan jurulatih yang mempunyai kelas yang tersendiri," ujar mereka ketika ditemui di Bestari Jaya.

Selain atlet taekwondo, Siti Syafiqah Azmirin, atlet Sukan Malaysia (SUKMA) bagi negeri Melaka 2018 turut hadir mendaftarkan diri pada hari ini. Beliau

yang juga merupakan pengadil bola sepak negeri Melaka menyimpan hasrat untuk menjadi jurulatih bola sepak suatu hari dan meletakkan harapan yang tinggi agar kursus ini dapat menjadikan beliau seorang jurulatih yang berpendidikan tinggi dan berpengetahuan luas.

Hadir sama adalah Noor Azmierul Hakimi Mohd Noor, pemain bola sepak yang mewakili kelab Selangor United. Beliau yang merupakan bekas peserta Mencari Ramli memilih UNISEL kerana institusi ini memberi waktu yang fleksibel kepada atlet. Ini dapat membantu beliau menyeimbangkan waktu belajar dan juga latihan di luar kelas. Dengan melanjutkan pengajian di peringkat tinggi ini dapat membentuk dirinya sebagai seorang atlet yang berpendidikan tinggi.





## LEBIH 1000 PELAJAR BAHARU SERTAI MAJLIS BACAAN IKRAR

Minggu Tekad Siswa (MTS) pada sesi kemasukan Jun 2018 menjadi minggu suai kenal terbesar dalam sejarah Universiti Selangor (UNISEL). Ini berikutan limpahan jumlah kemasukan pelajar semasa Hari Pendaftaran yang telah berlangsung pada 30 Jun lepas.

Prof. Dato' Dr. Mohammad Redzuan Othman, Presiden dan Naib Canselor berkata, kemasukan pelajar pada sesi kali ini adalah yang teramai apabila lebih 1000 orang pelajar mendaftar untuk program prasiswazah dan pascasiswazah.

Beliau berkata demikian semasa menghadiri Majlis Bacaan Ikrar Program MTS yang telah berlangsung di Dewan Canselor, UNISEL Kampus Bestari Jaya.

"Pendidikan merupakan medium penting untuk membina masa depan diri, bangsa dan keluarga. Justeru itu, saya ingin mengucapkan tahniah kepada semua pelajar kerana membuat pilihan yang tepat. Harapan saya agar para pelajar akan menggunakan segala kemudahan yang disediakan sebaik mungkin," ujar beliau

Tambah beliau lagi, UNISEL amat menitikberatkan kecemerlangan setiap pelajar. UNISEL mempunyai tenaga pengajar yang berpengalaman dalam bidang masing-masing. Justeru itu, para pelajar dinasihatkan untuk menggunakan peluang keemasan ini sebaik mungkin.

Beliau juga berharap agar UNISEL mampu melahirkan ramai pakar yang mahir dalam pelbagai bidang agar Malaysia dapat berdiri sama tinggi dengan negara-negara maju yang lain.

# 'ROAD TO INDUSTRY' PERKENAL DUNIA AUTOMOTIF KEPADА PELAJAR.

Universiti Selangor (UNISEL) menerusi Fakulti Kejuruteraan dan Sains Hayat (FKSH) dengan kerjasama Perusahaan Automobil Nasional Berhad (Proton) baru-baru ini telah mengadakan program 'Road to Industry with Proton' bertempat di Dewan Naib Canselor, UNISEL Kampus Bestari Jaya.

Program anjuran Jabatan Sains dan Bioteknologi FKSH julung kalinya diadakan dan telah dirasmikan oleh Prof. Dato' Dr. Mohammad Redzuan Othman, Presiden dan Naib Canselor UNISEL

diiringi oleh Prof. Dr. Mohd Nasir Saadon, Dekan Fakulti Kejuruteraan dan Sains Hayat dan Muzam Shah Kama, Ketua Kumpulan Inovasi Proton. Program yang berlangsung selama satu hari ini bertujuan untuk memberi pendedahan dunia automotif kepada para pelajar.

Antara intipati program adalah taklimat keselamatan kenderaan yang disampaikan oleh En. Saufi Ahmad, Senior Eksekutif Kajian dan Pengembangan (RND) Proton. Dalam ucapannya, beliau menekankan ciri-ciri keselamatan

kenderaan dan memberi beberapa tips pemilihan kereta kepada para pengunjung.

Selain itu, program juga turut disajikan dengan demonstrasi menyelamat oleh Jabatan Bomba dan Penyelamat Malaysia, pameran 'Half Cut' dan kereta inovasi oleh Proton, sesi pandu uji kereta, pameran oleh Kumpulan Wang Simpanan Pekerja (KWSP), Puspakom, Affin Bank, Sunlife Malaysia, Tabung Haji dan Jabatan Pengangkutan Malaysia (JPJ).





# IFTAR PERDANA UNISEL-MBI RAI MAHASISWA UNISEL

Buat julung-julung kalinya Universiti Selangor (UNISEL) dengan kerjasama Pemerbadanan Menteri Besar (MBI) mengadakan majlis iftar perdana bagi meraikan mahasiswa UNISEL.

Majlis tajaan MBI tersebut berlangsung di perkarangan Masjid UNISEL Kampus Bestari Jaya dengan kehadiran lebih 2000 orang pelajar dan kakitangan universiti dari kedua-dua buah kampus.

Majlis dimulai dengan tazkirah daripada Ustaz Mohd Jaafaruddin Md Ali, Ketua Tanggungjawab Sosial dan Korporat (CSR) MBI dan seterusnya ucapan pembukaan oleh Amidi Abd Manan, Dekan Hal Ehwal Pelajar.

Majlis diteruskan dengan ucapan

daripada Prof. Dato' Dr. Mohammad Redzuan Othman, Presiden dan Naib Canselor. Dalam ucapannya, beliau mengucapkan setinggi-tinggi penghargaan kepada pihak MBI atas kesudian menaja majlis Iftar Perdana UNISEL.

Majlis dimeriahkan lagi dengan sesi cabutan bertuah khas buat pelajar serta bacaan ayat-ayat suci al-Quran oleh Nur Aminuddin, pelajar Smart Tahfiz.

Turut hadir memeriahkan program adalah YB Puan Rozana Zainal Abidin, Ahli Dewan Negeri Permatang, En. Soffan Afendi Aminuddin, Ketua Pegawai Operasi MBI, pengurusan tertinggi UNISEL dan ketua-ketua jabatan.





## IFTAR JAMAIE UNISEL 2018 MERIAH

Bagi mengimarahkan kedatangan Ramadan pada tahun ini, Universiti Selangor (UNISEL) telah menganjurkan program Iftar Jamaie yang berlangsung di Masjid UNISEL kampus Bestari Jaya. Disamping mengeratkan ukhuwah dalam kelangan kakitangan, majlis ini turut meraikan ahli keluarga kakitangan yang sentiasa memberi sokongan penuh terhadap program anjuran universiti.

Program yang bermula pada jam 5.30 petang itu disemarakkan lagi dengan tazkirah ringkas oleh Ustaz Ab Razak Aripin sementara menunggu ketibaan waktu berbuka. Dianggarkan seramai 1300 orang kakitangan beserta keluarga

hadir memeriahkan majlis berbuka puasa yang merupakan acara tahunan universiti.

Selesai solat sunat terawih berjemaah, agenda majlis diteruskan dengan penyampaian bantuan zakat kepada staf dan pelajar UNISEL yang terdiri dari golongan asnaf. Bantuan telah disampaikan oleh Prof. Dato' Dr Mohammad Redzuan Othman, Presiden dan Naib Canselor UNISEL.

Prof. Dato' Dr Redzuan Othman dalam ucapannya melahirkan rasa bersyukur kerana majlis iftar jamaie pada tahun ini lebih meriah berbanding tahun-tahun sebelumnya. Beliau mengambil kesempatan mengucapkan ribuan

terima kasih kepada para hadirin yang sudi memberi komitmen untuk hadir memeriahkan majlis pada hari ini.

Turut hadir memeriahkan majlis adalah mantan Timbalan Naib Canselor UNISEL, Y.B Prof Dr Shaharuddin Badaruddin yang merupakan Pengurus Jawatankuasa Tetap Hal Ehwal Agama Islam, Pendidikan, Pembangunan Modal Insan, Sains, Teknologi dan Inovasi Selangor dan Y.B Rozana Zainal Abidin, Ahli Dewan Undangan Negeri (ADN) Permatang, pengurusan tertinggi UNISEL serta ketua-ketua jabatan.



# MOU UNISEL-IDE PERKASA PENYELIDIKAN DI NEGERI SELANGOR

Majlis menandatangani memorandum persefahaman (MoU) di antara Universiti Selangor (UNISEL) dan Institut Darul Ehsan (IDE) telah diadakan di Bilik Senat UNISEL Kampus Shah Alam. Objektif persefahaman ini adalah bagi memeterai kerjasama pendidikan, penyelidikan dan pertukaran kepakaran bagi kedua-dua belah pihak.

Prof. Dato' Dr. Mohammad Redzuan Othman, Presiden dan Naib Canselor UNISEL berkata, inisiatif MoU pada hari ini adalah antara usaha bagi menjalinkan lebih banyak lagi hubungan strategik jangka panjang dalam bentuk penganjuran program berbentuk intelektual, projek-projek berimpak tinggi dan kegiatan penyelidikan yang boleh memberi

sumbangan besar kepada dunia akademik di dalam negara khususnya di negeri Selangor.

“Walaupun IDE masih baharu, tetapi institusi ini telah banyak menghasilkan sesuatu program dan kegiatan yang banyak memberi manfaat kepada masyarakat. Sebagai sebuah institusi pemikir yang ditubuhkan oleh kerajaan negeri Selangor, UNISEL akan terus bekerjasama dengan IDE untuk melaksanakan tanggugjawab sosial dalam mengerakkan aktiviti dan program-program kemasyarakatan”, ujar beliau yang juga merupakan Timbalan Pengurus IDE.

Memetik kenyataan Dato' Kamaruddin Jaafar, Ahli Lembaga Pengarah IDE, beliau melihat masyarakat sekarang cenderung

terhadap akademik penyelidikan. Dengan usaha dan sokongan penuh dari pihak kerajaan negeri serta perkembangan sihat di pihak UNISEL, pihak IDE akan membuka kaedah dan pendekatan bidang penyelidikan yang baharu bukan sahaja di negeri Selangor malah di seluruh negara.

Perjanjian persefahaman tersebut telah ditandatangani oleh Prof. Dr. Mohd Nor Nawawi, Naib Presiden dan Timbalan Naib Canselor disaksikan oleh Hj. Shamsul Azhar, Pendaftar bagi pihak UNISEL manakala Dato' Kamaruddin Jaafar menandatangani bagi pihak IDE disaksikan oleh En. Sharifudin Muis, Pengurus Kanan Sumber Manusia dan Operasi IDE





## MEMARTABATKAN KARYA PELAJAR DI FESTIVAL CINEMINI 2018

Universiti Selangor (UNISEL) baru-baru ini menerusi Fakulti Komunikasi, Seni Visual dan Pengkomputeran (FCVAC) telah menganjurkan Festival Cinemini 2018 bertempat di Balai Seni Negara, Kuala Lumpur.

Bertemakan UBAH pada penganjuran kali ini, karya yang dihasilkan mengetengahkan isu transformasi diri, perasaan atau sesuatu kearah nilai positif atau negatif mengikut kata hati dengan berteraskan pemikiran yang intelektual.

Festival CINEMINI dijadikan acara tahunan kerana bertepatan dengan aspirasi universiti untuk meningkatkan ilmu pengetahuan bagi melahirkan mahasiswa yang cemerlang dan bekerjaya.

Festival ini juga memberi peluang kepada pelajar mengetengahkan idea, pandangan dan pemikiran secara matang dan profesional. Acara perasmian telah disempurnakan oleh Prof. Dato' Dr. Mohamed Najib Ahmad Dawa, Ketua Pengarah Lembaga Pembangunan Seni

Visual Negara.

Majlis diteruskan lagi dengan acara penyampaian anugerah CINEMINI kepada para pemenang bagi kategori-kategori yang dipertandingkan seperti kategori animasi 2D dan 3D dan kategori filem pendek.

Turut hadir memeriahkan majlis, Prof. Dr. Md Sidin Ahmad Ishak, Naib Presiden dan Timbalan Naib Canselor (Akademik, Penyelidikan dan Jaringan Industri) serta beberapa selebriti tempatan.

# HASIL CIPTAAN PENSYARAH UNISEL SUMBANG PINGAT DI ITEX 2018




## UNISEL ACCOUNTING WEEK DEDAH DUNIA LUAR KEPADА PELAJAR

Fakulti Perniagaan dan Perakaunan (FBA) baru-baru ini menganjurkan UNISEL Accounting Week (UAW) bertempat di Dewan Pro Canselor UNISEL Kampus Shah Alam. Program ini telah dirasmikan oleh Prof. Dr. Mokhtar Abdullah, Dekan FBA dan berlangsung selama enam hari bermula 16 sehingga 21 April 2018.

Antara intipati program sepanjang UAW adalah seminar perakaunan bagi memberi pendedahan kepada pelajar mengenai kerjaya sebagai akauntan yang telah disampaikan oleh En Mohd Zawawi Mohd Muhiddin dari Institut Perakaunan Negara dan Pn. Faridah Md Noor dari Jabatan Akauntan Negeri Selangor

Aktiviti lain yang turut berlangsung adalah program senamrobiq, forum dan bicara kerjaya. Objektif program adalah untuk meningkatkan keyakinan para pelajar bukan sahaja dalam bidang akademik malah sebagai persediaan untuk menghadapi dunia kerjaya kelak.



Pameran Ciptaan, Inovasi dan Teknologi (ITEX 2018) telah menyaksikan kemenangan yang berpihak kepada Muhammad Nazir Mohammed Khalid melalui hasil inovasi aplikasi Smart al-Fatihah dan Mohd Fadzli Ahmad melalui Rapid Cells Regenerative Device. Kedua-duanya telah memenangi pingat emas.

Manakala pingat perak telah dimenangi oleh Prof. Dr. Sharr Azni Harmin (Produk VitElisa), Prof. Madya Dr. Mohd Raja Tariqi Raja Lope Ahmad (Produk Multi M2M Controller) dan Muhammad Fairuz Abd Rauf (Produk Rehabilitation for Parkinson Disease Patient Using Exergame).

ITEX'18 yang berlangsung pada 11 Mei lalu di Pusat Konvensyen Kuala Lumpur (KLCC) telah mendapat penyertaan dari 20 buah negara. Seluruh warga UNISEL mengucapkan setinggi tahniah kepada para pemenang.

# MALAYSIA BAHARU, UNISEL BAHARU

Susulan kemenangan Pakatan Harapan di negeri Selangor dan kerajaan pusat pada Pilihan Raya Umum Ke-14 baru-baru ini, Prof. Dato' Dr. Mohammad Redzuan Othman, Presiden dan Naib Canselor Universiti Selangor (UNISEL) berkata beliau akan meneruskan agenda kemajuan pendidikan disamping merancakkan lagi program transformasi di universiti ini.

"Alhamdullah pada hari ini, UNISEL telah mengadakan program gotong-royong yang melibatkan lebih kurang 500 orang staf dan pelajar universiti dimana agenda utamanya adalah menanam pokok. Ini bagi mengindahkan lagi persekitaran kampus dalam usaha untuk menjadikan UNISEL sebagai sebuah kampus hijau," ujar beliau ketika ditemui semasa program

Gotong-Royong yang berlangsung di UNISEL kampus Bestari Jaya.

Tambah beliau lagi, dengan terbentuknya kerajaan baharu di peringkat persekutuan akan memberikan kelebihan buat univeristi ini yang mana UNISEL telah dijadikan model dalam Janji 50 kerajaan Pakatan Harapan untuk mengembalikan kewibawaan universiti awam dan pengajian tinggi.

"Kerjasama dengan kerajaan negeri Selangor akan diteruskan iaitu kepada Y.A.B Dato' Menteri Besar Selangor, Dato' Seri Mohamed Azmin Ali dan kerjasama dengan kerajaan pusat juga akan kita laksanakan kelak," tambah beliau lagi.

Hadir memeriahkan program penanaman pokok ini adalah Y.B Rozana

Zainal Abidin, Ahli Dewan Undangan Negeri (ADUN) Permatang, pengurusan tertinggi UNISEL serta ketua-ketua jabatan. Turut hadir memeriahkan program adalah mantan Timbalan Naib Canselor UNISEL, Y.B Prof. Dr. Shaharuddin Badaruddin yang sekarang merupakan ADUN Seri Setia.

Dr. Mohd Norazwan A. Bakar yang merupakan pengarah program ketika temui berkata sebanyak 385 batang anak pokok dari spesis Kelat Paya telah berjaya ditanam pada hari ini. Beliau dalam pada itu juga turut meluah rasa gembira dan berterima kasih di atas komitmen yang telah diberikan oleh rakan-rakan kakitangan UNISEL yang turut sama menjayakan program ini.



Peneraju Transformasi

**JOM MASUK UNISEL!**



# PENGAMBILAN **SEPTEMBER 2018**

KINI  
DIBUKA

DIPLOMA & IJAZAH SARJANA MUDA



## BIASISWA\* DAN PINJAMAN BAGI YANG LAYAK

\*Tertakluk Terma & Syarat



Universiti Selangor (UNISEL) mempunyai:

- Program yang memperoleh Akreditasi Penuh dan Sepanjang Hayat daripada MQA
- Diploma dan Ijazah UNISEL diiktiraf di peringkat antarabangsa ✓ Persekutuan kampus yang selesa dan lengkap
- Asrama yg terbaik di antara IPTS - terletak di Kampus Bestari Jaya untuk penempatan lebih daripada 4000 pelajar
- Kualiti dalam pengajaran dan pembelajarannya ✓ Tenaga pengajar yang berkualiter dan profesional
- Yuran pengajian 50% lebih rendah ✓ Kemudahan yang lengkap dan dinaiktaraf.
- Tasik dengan kemudahan rekreasi (aktiviti berkanu, bola tampar pantai, aktiviti memancing)
- Penginapan pelajar yang moden dan selesa ✓ Kampus berkeluasan 1000 ekar berstatus Kampus Hijau
- Fasiliti sukan yang terbaik ✓ Kemudahan gimnasium ✓ Wifi berkelajuan tinggi



## PROGRAM BERKUALITI YANG DIIKTIRAF & MEMPEROLEH AKREDITASI PUENUH DARIPADA MQA

[f](#) UNIVERSITI SELANGOR [i](#) UNISEL\_INSIDER

#YURANRENDAH  
#KUALITITINGGI  
#UNISELAWESOME

Pejabat Pemasaran & Kemasukan UNIVERSITI SELANGOR DU007(B) | DU007-01(B) Jalan Zirkon A 7/A Seksyen 7, 40000 Shah Alam, Selangor.

03-5522 3400    012-340 1740    013-374 2450    011-33907681